

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-2623-1/17
Datum, 15.11.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK

Sa 11. sjednice Općinskog vijeća Maglaj
održane dana 15.11.2017.godine u 13,30 sati u sali
JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.
Sjednici prisutan općinski načelnik Mirsad Mahmutagić,
Zapisničar, Nisveta Bašić

Predsjedavajuća OV, na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, Stranke penzionera/umirovljenika, samostalni vijećnici Buljubašić Musafa, Bešić Mustafa, Delić Fikret i Bašić Kanita.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Poziv za sjednicu i materijal dostavljeni su OSCE Terenski ured Travnik, sredstvima informisanja koji prate rad današnje sjednice Vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Vijeća da prozivkom vijećnika utvrdimo broj vijećnika na 11. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Nisu prisutni: -

Prije nego stavim na usvajanje dnevni red za 11. redovnu sjednicu Općinskog vijeća potrebno je da s vama podijelim nekoliko informacija.

Dana 11.10.2017.godine Predsjedavajućoj Općinskog vijeća obratio se vijećnik Fikret Delić dopisom u kojem obavještava da će u Općinskom vijeću od sada djelovati kao samostalni vijećnik.

Dopisom od 23.10.2017. godine vijećnici Bešić Mustafa i Delić Fikret obavijestili su Općinsko vijeće da formiraju Klub samostalnih vijećnika a predsjednik Kluba je Bešić Mustafa, koji je učestvovao i u radu Kolegija u pripremu ove sjednice Općinskog vijeća.

Dana 24.10.2017.godine vijećnica Kanita Bašić dostavila je izjavu o istupanju iz Kluba SDA i obavještenje o u budućem nastupa kao samostalna vijećnica.

Dana 26.10.2017.godine Općinskom vijeću obratio se i samostalni vijećnik Mustafa Buljubašić koji se izjasnio o istupanju iz mješovitog Kluba SBIH i samostalnog vijećnika Buljubašić Mustafe. Mi smo vršili prepisku koju nismo završili i nadam se da ćemo to završiti u narednom periodu.

Shodno navedenom imamo neke izmjene vezano za klubove, te će u pozivima za Kolegij tako i nastupati.

Vijećnik Mustafa Buljubašić, iznio objašnjenje i razloge zašto je istupio iz mješovitog kluba, uslijed čega je uslijedila diskusija u kojoj su učestvovali vijećnici Hajrudin Ferić, Mustafa Bešić, Svjetlana Zamboni, Safet Jašić, Elvir Vehabović, Fikret Delić, Nedžad Lokmić, Muhamed Hrnjić i Općinski načelnik.

Nakon rasprave Klub SDA je zatražio pauzu.

Zahtijevali su da iznesu stav poslije pauze.

Vijećnica Selma Avdić, stav Kluba vijećnika SDA. Stranka demokratske akcije uvijek je radila u interesu građana, onaj ko stavlja vlastite interese, a ne interese građana ispred sebe nama ne treba, a svi oni koji će raditi u interesu građana su uvijek nam dobro došli. Vidimo kako je nastala koalicija, kako su se dobijali glasovi, ko je za koga lobbirao i sl., a sve što se pripisuje SDA, a danas se vidi da nije istina i kako ova stranke je do sada radila i kako će raditi. Što se tiče gospodina Buljubašića, on je nama uvijek dobro došao.

Predsjedavajuća OV, prelazimo na verifikaciju Zapisnika sa 10. redovne sjednice Općinskog vijeća. Da li ima primjedbi na zapisnik sa 10. redovne sjednice Općinskog vijeća?
Nema.

Jednoglasno se verifikuje Zapisnik sa 10. redovne sjednice.

Predsjedavajuća OV, otvaram raspravu po pitanju dnevnog reda
Dnevni red je utvrđen na sjednici Kolegija, ima li nekih dopuna.

Vijećnik Adis Abdurahmanović, Klub vijećnika SDA traži da se treća tačka, odnosno Nacrt Odluke o postupku, rokovima i uslovima provođenja izbora kao i utvrđivanja rezultata izbora za članove Vijeća mjesnih zajednica na području općine Maglaj skine s dnevnog reda ove sjednice, obzirom da je predloženi tekst Odluke u suprotnosti sa Statutom općine Maglaj i važećim Statutom mjesnih zajednica, te da se dostavi novi Nacrt Odluke koji će biti u skladu sa Statutom Općine i Statutom mjesnih zajednica, a što je jasno definisano članom 28. Zakona o lokalnoj samoupravi.

Tražimo da dostavljeni Nacrt Odluke bude u skladu sa Statutom Općine Maglaj i Statutom mjesnih zajednica i u skladu sa članom 28. Zakona o lokalnoj samoupravi ili da se pokrene inicijativa za izmjene Statuta Općine, prije nego se nađe ova tačka na dnevnom redu.

Azra Čakrama, koordinator Radne grupe dala obrazloženje

Vijećnik Hajrudin Ferić, Zakon o principima lokalne samouprave znam napamet, a nemam kod sebe Statut Općine Maglaj, tako da to neće biti problem.

Kao uvod želim reći da je ova Mješovita radna grupa od prvog sastanka zauzela takav princip da mora biti sve usaglašeno sa Zakonom o principima lokalne samouprave i Statutom Općine Maglaj.

Postojala je jedna dilema a vezano je za Statut da li da se ovaj akt zove Pravila ili Odluka. Mi smo se konsultovali da zapravo Odlukom možemo na neki način da obavežemo Savjete Vijeća mjesnih zajednica da sazove Zborove mjesnih zajednica, da usaglase svoje statute.

Bilo koja nepravilnost koju je Klub SDA našao može odmah nakon usvajanja ovog Nacrta da se prilagodi ovim odredbama Zakona i Statuta.

Vijećnica Šefka Hasanić, mišljenje Kluba SDA je da ne bi trebali puštati ovu Odluku u eter niti dostavljati u javnu raspravu iz razloga što Statut Općine definiše drugačiji način provođenja izbora u mjesnim zajednicama, i ne možemo ići u izmjene Statuta mjesnih zajednica ako ne izmijenimo Statut Općine. Tražim da se šefici da pet minuta da provjeri član 28. Zakona o principima lokalne samouprave.

Vijećnik Josip Jurišić, kao član ove radne skupine imali smo zadatak pet stavki. Napraviti kvalitetnu reorganizaciju mjesnih zajednica. Ono što smo mi napravili to je samo jedan dio. Mislim da bi trebalo pričekati napraviti kompletnu reorganizaciju, pa onda ići na Vijeće.

Vijećnica Selma Avdić, pročitala član 28. Zakona o lokalnoj samoupravi «Statutom mjesne zajednice, u skladu sa Statutom jedinice lokalne samouprave i aktom o osnivanju, utvrđuju se poslovi koje obavlja mjesna zajednica, organi, kao i postupak izbora, organizacija i rad organa, način odlučivanja i druga pitanja od značaja za rad mjesne zajednice».

Od člana 1 do člana 24. navodi se sve od izbora, Izborne komisije BiH, međutim, član 24. kosi se sve ovo što je navedeno u ova 23. člana. Član 24. piše sazivanje Zbora građana mjesne zajednice u kojoj se vrši izbor za članove Vijeća mjesne zajednice, obavlja predsjednik aktuelnog Vijeća mjesne zajednice, a u ova prethodna 23 člana to se ništa ne spominje. Ovaj problem ne trebamo samo tek tako preći preko njega, ipak mi zavisimo od naših mjesnih zajednica.

Vijećnik Safet Jašić, želim istaći i da je upitan i rad ove Radne grupe kako je radio. Član komisije predstavnik SDP-a Kapić Jasminko nije nikad prisustvovao sjednici, a imenovali smo komisiju svih političkih partija. Ne želim kritikovati gospodina Kapića samo govorim o Radnoj grupi koja je imenovana od strane Načelnika. Tražimo hronološki kad je ko prisustvovao toj komisiji, pa ćete vidjeti da je bilo i samovolje i svašta nešto. Da komisija nije nikakav zaključak donijela po ovoj odluci. Ja bih vas zamolio a najviše u interesu dobrog i efikasnog rada u mjesnim zajednicama, nemojte stavljati odluku iznad Statuta općine Maglaj i Statuta mjesnih zajednica. Ovo je samo odluka, a Statut i Općine i Statut mjesnih zajednica govori nešto drugo. Ovo je negdje nađemo malo iz Žepča, malo iz Zavidovića itd. Naši statuti mjesnih zajednica i Statut općine Maglaj odlično definiše stavove i način izbora i rada mjesnih zajednica. Sve što je dobro nemojte da mijenjamo i da preko koljena lomimo neke stvari.

Klub SDA neće podržati i mi ćemo tražiti da se to skine s dnevnog reda, a dajemo Službi vremena do naredne sjednice da ovo sve dobro izuči i da izađe sa stavovima da li je to zaista u suprotnosti sa Statutom Općine Maglaj i Statutom mjesne zajednice, a mi znamo da jeste.

Vijećnik Mirza Bradarić, želim postaviti pitanje, obzirom da su u ovoj grupi dva člana iz SDA. Ne mogu da vjerujem da vi niste bili u kontaktu dok je radna grupa radila ovaj materijal, da li su članovi SDA gospodin Jusufović i gospodin Hasanić tada na sastancima te Radne grupe spominjali taj sporni član 28. Zakona o lokalnoj samoupravi.

Vijećnik Edib Delić, kad je u pitanju ovaj materijal i radna grupa mi od svojih predstavnika smo dobili vrlo štire informacije o ovom materijalu. Oni tvrde da su tek na zadnjoj sjednici na kojoj nisu prisustvovali dobili ovakav materijal. Samo na zadnjoj sjednici nisu prisustvovali i da je gospodin Ferić donio na zadnju sjednicu i samo podijelio...

Tvrđim da je ova Odluka u suprotnosti sa statutima mjesnih zajednica i samom Statutu općine Maglaj, a vi pogledajte šta je.

Vijećnik Hajrudin Ferić, šefica Službe je bila koordinator te radne grupe i pozvat ću je da potvrdi ili da negira ovo što ću reći.

Cijelo vrijeme 4-5 sjednica su bili prisutni dva predstavnika SDA. Druga sjednica bio je prisutan i Josip Jurišić. A na 1 i 5 bio je prisutan Vehabović Elvir. To govorim zato što je kompletan tekst i materijal radni materijal koju smo uradili Josip i ja, koja se ticala izbornog dijela predložili radnoj grupi. Radna grupa je bez ikakvih problema jednoglasno prihvatila sve. Na posljednjoj toj sjednici kada nisu bila prisutna ova dva člana ništa nije mijenjano, samo je dodala šefica Službe obrazloženje koje ide i prijedlog je bio da li 3.000 ili 5.000 da se planira u Budžetu za provođenje kad je dana suglasnost da to bude 5.000 i to je jedino što se promijenilo u odnosu na sve ono što su oni znali. Nemojte da govorite da nisu bili u toku, i da govorite da radna grupa nije imala mandat. Radna grupa je radila cijelo vrijeme većinom prisutnih, a aktivno su uzeli učešće svi.

Azra Čakrama, Radna grupa je radila i za svaku sjednicu postoji zapisnik koji je u izvornoj verziji dostavljan članovima koji slučajno nisu bili na jednoj od sjednica. Istina je da predstavnici SDA nisu bili prisutni samo na jednoj sjednici i to kada je bio Dan OŠ «Novi Šeher». Nastojali smo ispoštovati rokove koje je dalo ovo Vijeće. Ne želim da se ovakva situacija komplicira. Postoji Komisija za statutarna pitanja i može se očitovati po ovom materijalu. Smatrali smo da u javnoj raspravi može proisteći kvalitetno rješenje ovakvog zadatka.

U konačnoj verziji kako će izgledati ovaj materijal, zaista ne znam, to će primjedbi i prijedlozi, mišljenja i sugestije svih učesnika po ovom dokumentu kazati i mi ćemo to napraviti u jedan kvalitetan dokument koji ćete takođe vi usvajati, uz prethodno mišljenje Komisije za statutarna pitanja. Smatram da smo radili korektno i ne smijemo zanemariti jednu činjenicu koja se već duži niz protežira. Postoji uvjetno 6-7 mjesnih zajednica koje briljantno rade, koje su uključene i društveno su aktivne i osvještene, a veći broj mjesnih zajednica odista ne radi zato što to Statutima mjesnih zajednica, koji su proistekli iz Statuta Općine Maglaj.

Ovo je materijal koji je od krucijalnog značaja, mjesne zajednice nam ne rade, svaka čast onima koje rade one su i priznavane u ranijem periodu. Veći dio mjesnih zajednica ne rade i iz tog razloga je i donesen zaključak Općinskog vijeća. Ono što je doneseno nije zakovano, to se treba rješavati na javnim raspravama, ali moramo imati ulazni i početni dokument kako bi na njegov mogli iznositi svoje primjedbe, kritizirati ga i nakon provođenja svih javnih rasprava po mjesnim zajednicama došli do jednog kvalitetnog konačnog dokumenta koji bi bio na zadovoljstvo svih građana naše lokalne zajednice, a posebno građana onih mjesnih zajednica koje apsolutno ne rade.

Vijećnica Šefka Hasanić, Selma nam je pročitala član 28. Zakona o principima lokalne samouprave. Ono što nas zanima u ovom slučaju ne bi voljeli da ode neka nekvalitetna odluka uopšte u eter, voljeli bi do iduće sjednice da se ona doradi, da se uskladi sa Zakonom, sa važećim Statutom Općine. Od člana 91. Statuta predviđeni su nekakvi drugačiji načini izbora u mjesnim zajednicama u odnosu na ponuđenu odluku.

Vijećnik Hajrudin Ferić, moj prijedlog je da glasamo da ova točka bude kako je i planirano u sazivu Dnevnog reda pod 3. kao nacrt. Kad se otvori rasprava o toj temi, možemo da govorimo o tome ima li odredbi koje su usaglašene ili nema, ali svakako nakon sumiranja zaključaka, da jedan od zaključaka bude da se i prije donošenja Odluke na Općinskom vijeću obavezno mora dobiti i mišljenje Komisije za statutarna pitanja. Druga stvar, vi ovo što govorite da su prepisane odredbe, želim da kažem da su Zakonom o principima lokalne samouprave u Federaciji praktično dali smjernice kako da se rade Statuti svih općina, a ovo ako postoje prakse u Tešnju, Žepču, Sarajevu, ovakvog načina, to samo pokazuje da oni poštuju te osnovne odredbe Zakona o principima lokalne samouprave, a Statuti su u pet deka različiti, jer izlaze iz tog zakona. Ali to ćemo sve utvrditi u procesu faze javne rasprave, odnosno do donošenja odluke. Predlažem da ostane na dnevnom redu.

Vijećnica Ermina Muminović, želim postaviti pitanje, zašto je sporno, ako smo mi nešto primjetili i prema našim saznanjima da komisija nikad nije radila u punom sastavu. Da se ta komisija još jednom sastane u punom sastavu da još jedanput pregleda te materijale. Da li je to sve u skladu sa Statutom i Zakonom, ukoliko jeste, da to dođe na narednu sjednicu. Zašto je sporno da se još jedanput utvrdi.

Vijećnik Hajrudin Ferić, ova Komisija u kojoj vi govorite, ta komisija sa dva predstavnika iz SDA je bila cijelo vrijeme u funkciji opisivanja stanja u mjesnim zajednicama. Samo ono što je ponuđeno konkretno tad su oni aminovali kad je trebalo da se glasa. Ni jedan konkretan prijedlog nije došao odatle i nije bilo rasprave o tome. Ponovo sazivanje sa naknadnom pameću nakon mjesec dana rada, četiri puta smo sjedili, a imamo formalna tijela Općinska vijeća koji će konačno da zauzmu formalno pravni stav po ovom pitanju. Ništa ova komisija nije imala ni konkretno ni plodno od ova dva člana SDA.

Vijećnik Elvir Vehabović, mi smo bili članovi komisije, svi smo razmjenjivali mišljenja i svi se slagali u onome što pričamo. Svi zajedno donosili zaključke, to što je desilo se da mi ne poznajemo pravne stvari u toj komisiji. Ali ovo je nacrt, nije konačno i niko neće donijeti protivzakoniti akt, nije niko lud. Znači nacrt to idemo u razradu.

Uvažavali smo mišljenja jedni drugih, bila je kolegijalna atmosfera. Normalno nećemo raditi protuzakonito, nacrt je.

Predsjedavajuća OV, zaključujem raspravu po pitanju dnevnog reda.

Klub SDA iznio je prijedlog da se tačka 3. Nacrt Odluke o postupku, rokovima i uslovima/uvjetima provođenja Izbor a kao i utvrđivanju rezultata izbora za članove Vijeća mjesnih zajednica na području Općini Maglaj skine sa dnevnog reda. Ko je za/protiv suzdržan?

Glasalo 11 glasova za: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA samostalni vijećnik Mustafa Buljubašić.

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Ferić Hajrudin (DF) Mustafa Bešić, Fikret Delić, Kanita Bašić samostalni vijećnici,

Glasalo 1 glasova uzdržan : Josip Jurišiuć (HDZ)

Predsjedavajuća OV, na glasanje stavljam prijedlog dnevnog reda koji je usaglašena na Kolegiju, nakon čega slijedi brifing Općinskog načelnika i vijećnička pitanja i inicijative.

DNEVNI RED

1. Nacrt Odluke o bezbjednosti /sigurnosti saobraćaja na putevima općine Maglaj;
2. Informacija o projektima javno-privatnog partnerstva općine Maglaj;
3. Nacrt Odluke o postupku, rokovima i uslovima/uvjetima provođenja Izbor a kao i utvrđivanju rezultata izbora za članove Vijeća mjesnih zajednica na području Općini Maglaj;
4. Rješenje o imenovanju predstavnika Ministarstva zdravstva Upravnog odbora JU «Dom zdravlja» Maglaj
5. Rješenje o imenovanju predstavnika Ministarstva zdravstva Upravnog odbora JU «Narodna apoteka» Maglaj

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Ferić Hajrudin (DF) Mustafa Bešić, Fikret Delić, Kanita Bašić samostalni vijećnici,

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA samostalni vijećnik Mustafa Buljubašić.

Glasalo 1 glasova uzdržan : Josip Jurišiuć (HDZ)

AD – 1 Nacrt Odluke o bezbjednosti /sigurnosti saobraćaja na putevima općine Maglaj;

Mirza Mešić, predsjednik Savjeta za bezbjednost saobraćaja

Prvo da naglasim, nacrt je sa izmjenama i dopunama, prve su bile 2003. pa 2008. i sad 2017. godine, samim tim kako su se mijenjale izmjene Zakona osnove bezbjednosti saobraćaja, dolazi i do izmjena ove Odluke. Mi smo uradili tu odluku. Imali smo nekih primjedbi na parking prostore koji kažu da nisu urađeni, to je bilo do sad u Odluci, nismo to ništa mijenjali i ostalo je. Smatrali smo i mijenjali neke stvari a to ćete vidjeti pošto staru odluku imate u Službenim novinama, možete uporediti te promjene koje su se desile. Najveće promjene su se desile na kaznenim odredbama.

Otvorena je rasprava

Vijećnik Mirsad Bežić, Klub vijećnika SDA prihvata Nacrt Odluke o bezbjednosti saobraćaja na putevima općine Maglaj, kao dobru osnovu za javnu raspravu.

Vijećnik Fikret Delić, po pitanju bezbjednosti saobraćaja želim ovdje da upoznam Službu i Načelnika. U Kopicama odakle dolazim kod područne škole postavljena su dva ležeća policajca. Jedan od njih je postavljen upravo na uzbrdici u strani, gdje pravi velike probleme vozačima, sad po ovom vremenu kišovitom, a možete zamisliti kad bude susnježice i leda. Zamoljen sam od strane mještana da ovo iznesem i nadam se da će se ovaj problem što prije riješiti i da će se ležeći policajac sa tog mjesta premjestiti i pomjeriti samo 15-tak metara naprijed ili nazad.

Vežano za parking prostore, stoji Službe, organi, organizacije od posebnog općinskog i državnog značaja ne plaćaju rezervaciju za službena vozila na području općine Maglaj, tj. i vozila RVI i šehidskih porodica. Ja bih zamolio i predlažem da se u ovu odluku ubace i borci oni koji su branili ovaj grad.

Vijećnica Šefka Hasanić, imam pitanje vezano za kaznene odredbe koje su navedene u Odluci. Možda sam preskočila i u čitanju jer nisam imala puno vremena za detaljniju analizu, nadam se da će mi predsjednik komisije dati objašnjenje.

Gdje idu sredstva i na koji način se vrši utrošak sredstava po naplati iz kaznenih odredbi?

Vijećnik Mustafa Bešić, zahvaljujem se Komisiji i pohvaljujem ih. Dolazim ispred Mjesne zajednice Domislica, gdje smo otklonili jedan veliki problem. Uradili smo jedan kvalitetan posao ugradili smo gore dva ležeća policajca jer je stvarno bilo potrebno. U prošlom sam izlaganju to iznio, a i sad ću napomenuti. Sa ovim smo zaštitili djecu i ostalo stanovništvo. Jučer su postavljeni saobraćajni znakovi što će olakšati vozačima da ih upozore na ležeće policajce.

Mirza Mešić, prvo pitanje koje je postavio gospodin Delić vezano za borbe. Ovo je Nacrt ide u javnu raspravu i o tome se može razgovarati na javnoj raspravi. Ovo je bilo u dosadašnjim odlukama i mi smo to ostavili nismo željeli mijenjati.

Što se tiče drugog pitanja član 66. jasno kaže : Novčane kazne propisane su u KM, a sredstva idu u Općinu Maglaj a koriste se za finansiranje preventivnih aktivnosti, cestovnog saobraćaja itd.

Predsjedavajuća OV, zaključujem raspravu i dajem na glasanje

Z A K L J U Č A K

1.1. Usvaja se Nacrt Odluke o bezbjednosti /sigurnosti saobraćaja na putevima općine Maglaj.

1.1. Otvara se javna rasprava u trajanju od 30 dana.

1.2. Za provođenje javne rasprave zadužuju se Služba za urbanizam, geodetske i imovinsko pravne poslove i Savjet za bezbjednost saobraćaja na putevima općine Maglaj.

Usvojeno sa 23 glasa za,

U sali nisu prisutni Selma Avdić i Safet Jašić

AD –2 Informacija o projektima javno-privatnog partnerstva općine Maglaj;

Ferhat Bradarić, obrazloženje Informacije

Ovdje je riječ o dokumentu srednjoročni plan projekata javno-privatnog partnerstva, to je jedna od obaveza jedinica lokalnih samouprava po Zakonu o javno-privatnom partnerstvu koji je usvojen od 1.7.2016.godine. To je Zakon o javno-privatnom partnerstvu donesen od strane Vlade ZDK. U skladu sa ovim Zakonom donesen je i podzakonski akt koji se zove Uredba o identifikaciji pripreme ugovaranju, praćenju implementacije projekata javno-privatnog partnerstva. To je jedna nova praksa koja je uvedena na nivou kantona a tiče se provođenja u praksu projekata koji imaju za cilj javno-privatno partnerstvo.

Skrenuo bi pažnju na dva člana iz ovog Zakona a to je član 11. koji govori o identifikaciji projekata javno-privatnog partnerstva, gdje kaže da javni partner u ovom slučaju jedinica lokalne samouprave dužan je da izradi srednjoročni, odnosno trogodišnji i godišnji plan potencijalnih projekata javno-privatnog partnerstva, način i proceduru koju je definisao ovaj Zakon...

Poslije donošenja ovog trogodišnjeg srednjoročnog plana projekata javno-privatnog partnerstva obaveza je lokalne zajednice da donese i godišnji plan koji se priprema, usvaja i objavljuje uporedo sa Budžetom javnog tijela.

Što se tiče Uredbe ona je kroz 4 člana, član 3.4,5 i 7. definisala kakva je procedura donošenja ovih dokumenata i želim napomenuti da javni partner treba da utvrdi prijedlog srednjoročnog plana potencijalnih projekata javno-privatnog partnerstva i dostavi nadležnom organu na usvajanje. Nadležni organ javnog partnera usvaja srednjoročni plan potencijalnih projekata, u ovom slučaju Općinsko vijeće i nakon usvajanja isti se treba objaviti na web stranici Općine Maglaj i kao takav se dostavlja u Kantonalno Ministarstvo za privredu.

Otvorena je rasprava

Vijećnica Selma Avdić, Pošto je ovo informacija, mi bi kao Klub da se očitujemo što se tiče nje. Klub vijećnika SDA ne prihvata Infromaciju o projektima javno-privatnog partnerstva Općine Maglaj, s obzirom da Općinski načelnik je sam predložio i sačinio Srednjoročni plan potencijalnih projekata JPP za period 2018-2020. godine, uz konstataciju da je izvršio neophodne konsultacije, a sa nama se nije konsultovao, a ni prijedlog trogodišnjeg plana potencijalnih projekata za navedeni period, te ćemo biti suzdržani samo iz razloga što su ovo projekti obuhvaćeni Strategijom razvoja 2012-2020. godine.

Želimo istaći da je Općinski načelnik sa današnjom vladajućom većinom u prethodnom mandatnom periodu bio žestoko protiv realizacije određenih projekata, s ti da je trebalo obuhvatiti sveobuhvatnu raspravu vezano za realizaciju ovih projekata kroz JPP, obzirom da su ovo izuzetno bitni projekti za općinu Maglaj i njene građane. To je pet : Izgradnja obilaznice Novi Šeher, Centralno grijanje grada Maglaja, Rekonstrukcija nogometnog stadiona Kosova sa pratećim sadržajima, izgradnja multifunkcionalnog poligona OŠ «Maglaj», otvorene pozornice

i uspostava organizacija funkcije integralne turističke ponude općine Maglaj. Mi mislimo da je Općinski načelnim imao roka 15 dana da se konsultuje zajedno sa nama.

Općinski načelnik, replika

Ja ne znam o čemu priča vijećnica Avdić. Zakon o javnom privatnom partnerstvu, donošenje Uredbe tek stupio na snagu ove godine ovog ljeta. To nema veze nikakve sa ranijim mandatima. Niti imaju veze ti projekti ni sa mnom ni sa ranijim mandatima. Otkuda vam ideja uopšte da su tu nabrojani projekti da sam se ja žestoko protivio, čemu? Dajte mi recite jedan jedini projekat. Ne znam odakle vam te ideje...

Vijećnica Irena Herceg, za projekte koji su navedeni u Informaciji o projektima javno-privatnog partnerstva općine Maglaj, Klub vijećnika SDP-a daje punu podršku, jer isti odražavaju neupitne potrebe građana Maglaja.

Što se tiče mog ličnog stava smatram da uz ove projekte koji su navedeni u ovom trogodišnjem planu treba i moglo bi se razmisliti o nekim drugim bitnim stvarima, kao što je energetska efikasnost utopljanje stambenih objekata, a zatim uz projekat uspostave organizacije, funkcije integralne turističke ponude Maglaj, razmisliti i o otvaranju zanatskog centra u Starom dijelu grada jer Stari grad ima ogroman turistički potencijal koji je neiskorišten.

Vijećnica Šefka Hasanić, ja sam iznijela na prošloj sjednici Općinskog vijeća kad smo raspravljali o turističkoj poziciji općine Maglaj iznijela izostala turističkih potencijala sa novošeherskog kraja. U ovom istom prijedlogu koji je dostavljen Općinski načelnik, opet je izostavljeno turistički potencijali novošeherskog kraja. Načelnik je prošlu sjednicu sa smješkom klimao glavom da će to biti ispravljeno, međutim opet dobijemo materijal u kojem toga nema.

Općinski načelnik, moram replicirati, vi pravite meni cirkus od Općinskog vijeća. Prošlu sjednicu apsolutno nismo pričali o javno-privatnom partnerstvu. Pričali smo o turističkoj zajednici, klimao glavom i naravno slažem se s tim i naravno to ćemo raditi. Dokument koji imate nema veze s tim što ste prošle sjednice pričali. To je nešto što je urađeno prije, što je proslijeđeno, što je danas vijeću dato na uvid. Vi vežete dvije stvari koje u ovom trenutku nemaju veze jedno s drugim. U drugom koraku se može povezati i treća stvar, to je plan. To je nešto što je stavljeno na papir, ko kaže da se neće pojaviti neko ko će htjet raditi neki drugi projekat. Naravno da nećemo reći da to ne damo zato što to nije u planu. Pripremite se za sjednicu, bio sam vijećnik pripremo sam se. Pripremite se i vi.

Vijećnik Hajrudin Fermić, tačno je da je ova Uredba i uputstvo načinima kandidovanja projekata javno-privatnog partnerstva usvojeno prije nekoliko mjeseci i tek prije nekoliko mjeseci je moglo da dođe do neke realizacije onih odredbi Zakona o javno-privatnom partnerstvu koji stoji na čekanju već tri godine. ZDK da ima zbog ovog podzakonskog akta sve je bilo na čekanju.

Ono što sam htio da napomenem jeste jedna vrsta pohvale Općinskom načelniku da je na ovaj način među prvim općinama sa 6-7 projekata javno-privatnog partnerstva i kandidovao nadležnom Ministarstvu koje je ušlo na tu listu svih mogućih potencijalnih projekata u nekih narednih dvije godine. Želimo da javnost zna o kojim se projektima radi i naravno da budu uključeni cijelo vrijeme i da na neki način i pripremamo taj ambijent i atmosferu da je nešto novo u ZDK, pa samim tim i na općini Maglaj. Inače ovaj princip javno-privatnog partnerstva u mnogim zemljama je se to praktikovalo i praktikuje nije pokazalo baš dobre rezultate i znam da je tako, ali negdje jeste dao efekte i određene rezultate i zašto ne općina Maglaj da ne proba. Također ovo nije zatvorena lista, ona se uvijek može dopunjavati.

Ono što bi želio i tražim da to bude jedna vrsta zaključka, a to je da Općinsko vijeće mora u svakom trenutku biti informisano o svim eventualnim razgovorima, pregovorima, a da ne kažem i konkretnim potezima ili ugovorima kad je u pitanju javno –privatno partnerstvo. Daj bože da se bilo koji od ovih projekata, zaista ozbiljno prihvati i krenu u realizaciju, mislim da bi podosta Maglaj izgledao drugačije. U svakom slučaju vrijedno je, dobro je i Vijeće treba i mora da bude blagovremeno informisano i na kraju od Vijeća i zavisi u nekom narednom periodu kako će i da glasa, da ustupa i kad su u pitanju određena prva mogućim korisnicima privatnim partnerima itd.

Vijećnica Šefka Nuhan, ja sam iznijela svoje mišljenje i konstataciju koja se desila na prošloj sjednici kojoj smo svi bili svjedoci. Imamo ispred sebe dokument gdje opet nema turističkih potencijala sa novošeherskog kraja. To da vijećnici lupetaju ovdje, nije riječ za ovo Vijeće. To je moje mišljenje i imam ga pravo iznijeti, a ne lupetam nego iznosim svoje mišljenje.

Općinski načelnik, replika

Moram reći gospođu Hasanić, pročitajte barem datume na tim dokumentima pa vidite kad je bila priča, kad su otišli projekti u Ministarstvo, a kad je bila prošla posljednja sjednica na kojoj se govorilo o turističkim potencijalima. Moram vas upozoriti izađete za govornicu kao vijećnik i javno kažete neistinu, moram vas upozoriti. Istina je da taj plan je otišao prije posljednje sjednice, kada smo govorili o turističkim potencijalima. I nema šanse da se nešto retroaktivno ubaci. To je nešto što je izašlo u zborniku. Pogledajte zbornik Ministarstva Vlade ZDK, pa ćete vidjeti naše projekte o čemu je govorio gospodin dopredsjedavajući. Jel mislite da treba lažirati da bi se vaša sujeta zadovoljila da se ubaci projekat koji nije prijavljen u Ministarstvo. O čemu pričate, pogledajte datume, pripremite se za sjednice.

Vijećnik Safet Jašić, nama je poznato kad su u pitanju ovih 5 projekata, nije nam prvi put da čujemo i vidimo zato jer je to bilo i u proteklom periodu. Selma je iznijela stav Kluba, zaboravila je reći, a svi stari vijećnici treba

da znaju da ni jedan prijedlog po pitanju Rudnika Brezove Dane nije prošao u proteklom mandatu koji smo mi predlagali. Sve su opstrukcije rađene po tom pitanju, a ovaj projekat je našao se među ovih 5 što je meni drago i Klub će uvijek podržavati takve projekte, kao što smo i u proteklom mandatu a dobro su opstruirani od strane bivše opozicije. Selma je zaboravila kazat samo jedan primjer jer je stari vijećnik.

Predsjedavajuća OV, još jednom napominjem da govorimo o javno-privatnom partnerstvu. Ovo što se često spominje su tačke dnevnog reda koje su bile kao odvojena tematika, a danas govorimo o javno-privatnom partnerstvu. Dakle, nečemu novom što do sada nismo imali. Molim da se držimo te teme.

Ferhat Bradarić, pošto se radi o novom Zakonu i novoj Uredbi koja je na snazi od ove godine od 31.3.2017. godine ja bih vas zamolio da se tačno formuliše ova tačka a to je donošenje srednjoročnog plana potencijalnih JPP i ona kao takva se i treba zvati i ovaj dokument koji se bude usvojio. Ovaj dokument se naslanja na strateško planski dokumente a to je naša Strategija razvoja općine Maglaj 2012.-2020. godina, a u toku je i revizija tog dokumenta. Svi ti projekti koje mi sada u ovom slučaju predlažemo kao takvi moraju se naći u tom strateškom dokumentu...

Nakon ovog dokumenta na jednoj od narednih sjednica paralelno kad se bude usvajao i Budžet treba se donijeti dokument koji se zove «Godišnji plan potencijalnih JPP projekata» i on kao takav se mora tako zvati iz razloga ukoliko bi se pojavili potencijalni projekti iduće godine 2018.godine, oni kao takvi moraju biti predviđeni tim godišnjim planom. Moraju se i kroz godišnji plan vezati za pozicije u Budžetu. Budžet bi za narednu godinu već trebao eventualno da pretpostavi neke projekte i da kroz te budžetske stavke, planira ta budžetska sredstva, ako se dese, dese, ako se ne dese ti projekti JPP oni će vjerovatno biti preneseni za neki naredni period. Al kao takvi trebaju biti prepoznati i u Budžetu, a taj dokument je vezan direktno za godišnji Budžet. To je jedna nova praksa i mi kao jedinice lokalne samouprave moramo to ispoštovati jer je to zakonska obaveza ukoliko želimo te projekte JPP, a pretpostavljam da će u narednom periodu biti sve više i više takvih inicijativa. Sad nema te prakse, pa nema ni tih projekata, međutim kad ta praksa zaživi pretpostavljam da će se pojaviti takvih projekata.

Predsjedavajuća OV, da vas pitam, ono što ste vi nama sugerisali jeste da primimo Informaciju o prijedlozima potencijalnih JPP projekata.

Ferhat Bradarić, pošto Zakon kaže OV treba da usvoji Dokument Srednjoročni plan potencijalnih JPP projekata, tak je definisano po zakonu i mi njega kao takav moramo usvojiti, a ne ovako kao što je sad navedeno Informacija o projektima JPP.

Predsjedavajuća OV, govorim o tehničkim stvarima Informacija se prima k znanju, ukoliko govorio o prijedlogu onda moramo glasati po zaključku.

Ferhat Bradarić, Zakon je rekao da se Srednjoročni plan projekata JPP donosi na Anexu 1 i Anex 3 i ti Anexi su vama dostavljeni kao takvi, to je zbirni pregled projekata i on kao takav sadrži sve elemente koji su sadržani u Anexima i Zakonu. Ovo se treba zvati Srednjoročni plan projekata JPP.

U sazivu je kao informacija, a u ostalim dokumentima je dostavljeno kako treba.

Predsjedavajuća OV, zato što smo postupali po zaključku Općinskog vijeća gdje smo zaključkom Općinskog vijeća obavezali Općinskog načelnika da nam dostavi informaciju o projektima JPP. Nastupili smo po zaključku OV iz tog razloga materijal u ovoj formi i imamo danas kao takav. Mi u okviru ove informacije možemo donijeti i prijedlog zaključka.

Vijećnica Selma Avdić, poštovani Načelnice, nemorate prozivati ime Avdić Selme, ja sam iznijela stav Kluba SDA. Nisam vas vrijeđala niti imam namjeru da vrijeđam bilo koga od mojih kolega. Isto tako iznijela stav kolegica Herceg. Ja se nadam da ubuduće ako bilo ko od nas iznese stav da se to odnosi na stav Kluba SDA. Rekla sam ne želim da se vrijeđam, ne želim da se svađam za ovom govornicom, jer nisam takva, vjerujte dođem na vijeće spremna, pročitam, trudim se da radim kao vijećnik ove naše lokalne zajednice.

Pauza za usaglašavanje

Vijećnik Safet Jašić, Klub SDA će i čudno nam je da je uopšte došlo do izglasavanja, ako ide kao informacija nemamo ništa protiv, sve drugo nećemo biti protiv, ali ćemo biti suzdržani.

Predsjedavajuća OV, nakon pauze predlažem slijedeći

ZAKLJUČAK

- 2.1. Informacija o projektima javno-privatnog partnerstva općine Maglaj, prima se k znanju.
- 2.2. Usvaja se prijedlog Srednjoročnog trogodišnjeg plana potencijalnih projekata JPP 2018.-2020. godine.
- 2.3. Općinsko vijeće mora biti upoznato o svim potezima i ugovorima iz oblasti javno-privatnog partnerstva.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Ferić Hajrudin (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ).

Glasalo 11 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA i Mustafa Buljubašić samostalni vijećnik.

AD – 3 Nacrt Odluke o postupku, rokovima i uslovima/uvjetima provođenja Izbor kao i utvrđivanju rezultata izbora za članove Vijeća mjesnih zajednica na području Općini Maglaj;

Predsjedavajuća OV, diskusija po ovoj tački je bila već iscrpna u fazi usvajanja dnevnog reda i mislim da ne trebamo gubiti previše vremena na ovaj materijal.

Otvaram raspravu

Vijećnik Hajrudin Ferić, govorit ću i kao vijećnik i kao član ove Radne grupe.

Zaključkom Općinskog vijeća ova mješovita radna grupa je i formirana i radila je nekih mjesec dana, sjedila je od prilike jednom sedmično s ciljem jednog kvalitetnijeg dinamičnijeg i boljeg uređenja, prije svega izbornog postupka u našim mjesnim zajednicama, ali i poboljšanja kompetencija nadležnosti i rada odnosno aktivizma u samim mjesnim zajednicama. Radili smo metodološki da od prilike po dva člana dobiju različite oblasti. Tako je pričaio zadatak meni i Josipu da uradimo ovaj izborni dio. Kolegama iz SDA pripao drugi zadatak i kad je u pitanju finansiranje nadležnosti trećoj radnoj grupi. Radna grupa koju smo sačinjavali Josip i ja je jedino uradila svoj dio posla, napravila radnu verziju koja je imala i nastojala da od prvog do zadnjeg slova bude usaglašena sa Zakonom o principima lokalne samouprave i Statutom Općine. Nije bilo ni političke volje, nije bilo ni pitanja da se vrše izmjene Statuta Općine Maglaj i svi smo se tu usaglasili, nego da radimo u skladu sa postojećim važećim zakonskim i drugim odredbama. Uradili smo to i komisija je rado prihvatila ovaj novi mogući način izbora u organima mjesne zajednice. Govorim da se organi, Savjet, Vijeća mjesne zajednice biraju neposredno i tajnim glasanjem za svaku mjesnu zajednicu naravno na Zboru kako i stoji u Zakonu o principima lokalne samouprave i u Statutu. Zna se ko saziva Zbor i zna se ko i taj izborni Zbor saziva, aktuelni saziv. U ovoj odluci je predviđeno ko saziva izborni zbor u mjesnoj zajednici u slučaju opstrukcije u pojedinim mjesnim zajednicama ukoliko neko ne želi od predsjednika ili članova Savjeta sazove taj izborni postupak, isto tako kako smo se i složili. U onim mjesnim zajednicama u kojima već odavno ne rade niko od njih i ne može sazvati Zbor, osim naravno stručne Službe ili kako stoji u nacrtu Odluke izborna komisija. To bi bilo neposredno, tajno i ono što je princip time bi se ukoliko se promijene Statutu mjesnih zajednica potpuno bi se primjenio i ovaj princip Izbornog zakona u kojem bi bili birački odbori na samom mjestu, bile glasačke kutije, poštivao princip tajnosti, zaštite invalidnih lica itd. S druge strane na neki način bi motivisalo kako stoji u nacrtu Odluke i političke subjekte i same građane i nevladine organizacije da kandiduje ili sam sebe kandiduje za Vijeće mjesne zajednice, odnosno za predsjednika. Obaveza je u procesu kandidovanja da se potpiše prethodna pismena suglasnost da se prihvata kandidatura ili izjava. Izbornu komisiju komisiju sačinjavaju i predstavnici političkih subjekata koji imaju svoje vijećnike u Općinskom vijeću. I to je za javnu raspravu da li u izornoj komisiji osim predstavnika političkih stranaka, treba da bude i predstavnik samostalnih vijećnika. Izborna komisija ima važan posao i kompetencije u pripremi i samom održavanju i naravno da je između ostalog navedeno koliko bi sav taj postupak načina izbora u mjesnim zajednicama koštao Budžet. Procjena nas svih zajedno da bi komplet zajedno sa izbornom komisijom i biračkim odborima u ovih 20 mjesnih zajednica sve koštalo između 3.500-5.000 KM. Tu je još puno detalja koji će se otvoriti u toku javne rasprave.

Želim naglasiti da smo imali zadatak da uradimo još jednu cjelovitiju odluku o organima i organizacijama mjesnih zajednica jer je činjenica da u mjesnim zajednicama vrlo teško ide volonterski rad, da li postoji mogućnost da se dobijaju određena sredstva naknada za rad predsjednika ili članova savjeta, da li uvesti određene aktivnosti da se obaveze Vijeće nadležne službe da bi trebalo na bilo koji način informisati ljude u mjesnim zajednicama sa projektima koji se rade i realizuju u tim mjesnim zajednicama. Zaključili smo obzirom na rokove da ipak idemo samo sa ovim dijelom koji se tiče izbornog postupka, mi smo to na vrijeme završili, a u obrazloženju predlaže se da nakon donošenja ove odluke, se donese i odluka da se krene u izradu jedne sveobuhvatne systemske odluke koja bi regulisala i sve ono što nije u ovoj odluci regulisano, da se mjesnim zajednicama da težina koja im i pripada i da se podigne na jedan viši nivo rada i rješavanja pitanja građana u mjesnoj zajednici. Puno je posla, ali je bitno da smo počeli da radimo.

Predsjedavajuća OV, Jeste li razgovarali o provođenju javne rasprave, oblicima provođenja javne rasprave i rokovima?

Naravno da smo razgovarali i nekakav realan optimalan rok za provođenje javne rasprave bi bio 30 dana i osim onog klasičnog dolaska ovdje, svakako bi trebalo da se ovaj nacrt odluke uputi i u mjesne zajednice, da čujemo šta ljudi u mjesnim zajednicama o ovom nacrtu odluke misle, odnosno šta sugerišu i predlažu.

Vijećnik Elvir Vehabović, samo želim da ponovim da se u ovu raspravu uključi i Komisija za statutarna pitanja, ako treba i Općinski pravobranilac da bude sve usaglašeno sa Statutom općine.

Vijećnik Edib Delić, dugo radim u mjesnoj zajednici i drago mi je da je došlo vrijeme da se ta oblast uredi. Vrlo dobro znam koji su problemi, šta su prioriteti i mislim da do sada ovakav odnos i rad mjesnih zajednica i Općine nije na dobrom nivou, odnosno nisu se prepoznali kao partneri u radu. Mjesna zajednica je vrlo bitan segment u

samom funkcionisanju lokalne zajednice. Mi iz Kluba nemamo ništa protiv da se ova oblast riješi naravno u skladu sa svim postojećim zakonima, ostalim drugim dokumentima koja tretiraju ovu oblast.

Imam osjećaj da se ovdje pokušava uvesti politika u mjesne zajednice. Vidljivo je iz ponuđene odluke da promijeni znači sam izbor u Vijeću mjesne zajednice na nekakav drugačiji način i zastupljeni su i potencira se da budu zastupljeni svi politički subjekti koji participiraju na općini Maglaj u izbornoj komisiji. Bojim se ako uvedemo politiku u mjesne zajednice da i ovo malo mjesnih zajednica što je radilo do sada da to neće biti dobro. Ja sam predsjednik Mjesne zajednice već desetu godinu i na prvom sastanku kad se izabere Vijeće mjesne zajednice potencirao sam da politiku ostavimo u čošak a da nam interes bude naša mjesna zajednica. Mogu vam reći da sam to uspjevao sve do današnjeg dana nismo isticali politiku da je u prvom planu, sve odluke koje smo donosili na Vijeću mjesne zajednice su bile jednoglasne, nije bilo preglasavanja i mislim da imamo rezultata u svom radu.

Ovom odlukom nije propisano kad su u pitanju izbori broj prisutnih glasača na taj dan izbora. Može nam se desiti da u mjesnoj zajednici dođe 10 ili 15 građana mjesne zajednice i oni izaberu Vijeće MZ od 5 ili 7 članova, pitamo se ima li legitimitet to izabrano. Mora se voditi računa i o tim stvarima. Trebalo bi kroz ovu odluku definisati i te stvari. Do sada koliko se sjećam bilo je 10% po biračkim spiskovima, međutim i to nije dobar procent jer vrlo teško je bilo dovesti toliki broj ljudi na same izbore da se udovolji i ta forma.

Ono što mi se nije sviđjelo, a to je da je definisano da je Općinsko vijeće II-stepeni organ u odlučivanju. Znači može se desiti da u jednoj Mjesnoj zajednici se provedu izbori i da se ovdje kaže ne prihvatamo mi te izbore, poništimo ih. I taj dio je problematičan. Sve su ovo stvari koje utiču na sam izbor i legitimitet samih izbora.

Date su velike obaveze predsjedniku, zamjeniku i članovima vijeća MZ. Tamo je spomenuta nekakva naknada i predlažem ako je stvarno dato toliko obaveza pred te ljude da se proba iznaći neki modus i rješenje da to ne bude više na volonterskoj osnovi, neka se odredi iznos sredstava koji će primati za svoj rad, jer se tamo traže velike aktivnosti i mislim da bi trebalo povesti računa jer je ovo prilika ako rekonstruišemo mjesne zajednice da ovakav način volontiranja ne ide, neće ljudi da uđu u vijeće MZ ne daju svoje vrijeme, pa bi trebalo i o tim stvarima povesti računa u narednom periodu.

Predsjedavajuća OV, ovo sve što ste iznijeli kvalitetno je i da se u toku javne rasprave govori i na što možemo uticati.

Vijećnik Safet Jašić, dosta je kolega Delić rekao po ovom pitanju. Ako se sjećate kad je ova komisija predlagana mi smo rekli da nismo za ovakav način da se predlaže ispred političkih partija, nego da to radi komisija koja je stručna za te stvari. Vijećnik Vehabović je rekao nismo znali, nismo stručni i to je jasna stvar, a mi smo to predlagali, međutim bilo je samo da ide ispred političkih partija, nije bitan bio kvalitet.

Ovaj nacrt nema osnovi ni za nacrt. Da se imalo poslužilo Statutima mjesnih zajednica i Statutom Općine Maglaj, ne bi došlo ni do ovog materijala do kojeg smo sad došli. Ne podcjenjujem nikoga, bilo plaćeno ili ne ovo nije zahvalan posao, a ovo nije kvalitetno urađeno...

Zakleli smo se da ćemo raditi po zakonu i hajmo ga poštovati.

Predsjedavajuća OV, zaključujem raspravu i predlažem da se usvoji Nacrt Odluke, da se provede javna rasprava a da se zaduži Služba za BiZ, opću upravu i društvene djelatnosti i Radna grupa da osmisle način provođenja javne rasprave.

Vijećnica Šefka Hasanić, da li će se provoditi javna rasprava u svakoj mjesnoj zajednici?

Vijećnik Ferić Hajrudin, da se provede javna rasprava u sali Općinskog vijeća uz podršku stručne Službe, da ide putem medija, oglasnim pločama, web stranica, poziv na ovu ovdje. Ovaj nacrt materijala da ide predsjednicima odnosno na adrese Savjeta da oni prave minimalno na Savjetima raspravu, a svi oni koji dobro rade, nek organizuju u Zborovima, neko iz mješovite radne grupe će sigurno doći na te sastanke mjesne zajednice, ako budu pozvani. Možda će neka mjesna zajednica reći ne treba nam niko odavdje da vi sami zakažete. Dakle, ovaj dio ide na adresu Vijeća mjesne zajednice. Kako će Vijeće da provede unutar mjesne zajednice to je na njima, ali zvanična prava formalna javna rasprava je ovdje kako se to i praktikuje da ljudi dođu i da kažu svoje mišljenje bez obzira odakle je. Time se omogućava svim ljudima u svakoj mjesnoj zajednici da nešto kažu.

Vijećnica Šefka Hasanić, materijal kad se dostavi Zborovima mjesnih zajednica na razmatranje da obavezno prisustvuje bar jedan član ove mješovite radne grupe koja je sastavila Odluku i da bude zastupljen pravnik iz Službe. Kada predsjednici mjesnih zajednica zakažu zborove o razmatranju nacrta odluke da prisustvuje jedan član komisije i pravnik iz Službe da bi mogli ljudi koji prisustvuju tamo da ne šalju zaključke koji nisu u skladu sa zakonom da ne donose prijedloge koji nisu u skladu sa zakonom, Statutom općine i Statutom mjesnih zajednica.

Predsjedavajuća OV, zaključujem raspravu i predlažem

ZAKLJUČAK

3.1. Usvaja se Nacrt Odluke o postupku, rokovima i uslovima/uvjetima provođenja Izbora kao i utvrđivanju rezultata izbora za članove Vijeća mjesnih zajednica na području Općini Maglaj.

3.2. Utvrđuje se rok od 30 dana za provođenje javne rasprave.

3.3. Za provođenje javne rasprave i način provođenja javne rasprave zadužuju se Služba za BiZ, opću upravu i društvene djelatnosti i Mješovita radna grupa.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Ferić Hajrudin (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA i Mustafa Buljubašić samostalni vijećnik.

AD – 4 Rješenje o imenovanju predstavnika Ministarstva zdravstva Upravnog odbora JU «Dom zdravlja» Maglaj;
AD – 5 Rješenje o imenovanju predstavnika Ministarstva zdravstva Upravnog odbora JU «Narodna apoteka» Maglaj;

Predsjedavajuća OV, naredne dvije tačke dnevnog reda su vezane, ukoliko se slažete obzirom da se radi o jednom aktu koji je došao iz Ministarstva, a dobili ste ga svi u materijalu.

Da li se slažete da ove tačke razmatramo zajedno.

U skladu sa članom 9. stav 5. Zakona o ministarstvima, vladinim i drugim imenovanjima Federacije BiH, Ministarstvo zdravstva ZDK provelo je proceduru za imenovanje predstavnika Ministarstva zdravstva za člana UO JU «Dom zdravlja» Maglaj i JU «Narodna apoteka» Maglaj, pa vas obavještavamo da za predstavnika Ministarstva kao najuspješnijeg kandidate imenujete:

1. Nermina Krzić za člana UO JU «Dom zdravlja» Maglaj
2. Ferhat Bradarić JU «Narodna apoteka» Maglaj.

Dopis je poslan 03.11.2017. godine na Općinsko vijeće Maglaj. U skladu s tim otvaram raspravu.

Vijećnik Mirsad Bežić, Klub vijećnika SDA je suzdržan po pitanju imenovanja predstavnika Ministarstva u Upravne odbore Doma zdravlja i Narodna apoteka, iz razloga što smo već ranije iznijeli svoj stav da su prethodni članovi upravnih odbora nelegalno i nezakonito smijenjeni.

Predsjedavajuća OV, ukoliko nema više diskusija, zaključujem raspravu i dajem na glasanje

Z A K L J U Č A K

4.1. Donosi se Rješenje o konačnom imenovanju predstavnika Ministarstva zdravstva Upravnog odbora JU «Dom zdravlja» Maglaj, Nermina Krzić.

5.1. Donosi se Rješenje o konačnom imenovanju predstavnika Ministarstva zdravstva Upravnog odbora JU «Narodna apoteka» Maglaj, Ferhat Bradarić.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Ferić Hajrudin (DF), Mustafa Bešić, Fikret Delić, Kanita Bašić, samostalni vijećnici.

Glasalo 12 glasova uzdržano: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA, Josip Jurišić (HDZ), i Mustafa Buljubašić samostalni vijećnik.

Brifing Općinskog načelnika

- Danas u 17,00 sati najavljen je «Okrugli sto» na trvi vrlo interesantne teme koje se odnose i na lokalnu zajednicu i na BiH. Gosti «Okruglog stola» gospodin Josip Juratović i gospodin Bogić Bogičević. Gospodin Josip Juratović je osoba koja je četvrti mandat u njemačkom Bundestagu. On je osoba ispred Bundestaga zadužen za regiju Balkana. Cilj je bio da danas u Maglaju javnosti prezentiramo određene stvari kako bi išli efikasnije prema privlačenju stranih investicija na području općine Maglaj i neizbježna tema put BiH prema EU. Treća tema o čemu smo danas imali i Tematsku sjednicu, odnosi se na potrebe modernizacije i obrazovanja u Bosni i Hercegovini kako bi promjenom sistema obrazovanja došli do efikasnijeg stručnog kadra koji bi bio priznat i van granica BiH i koji bi bio nakon završetka školovanja stručniji kadar nego kako je trenutno. S druge strane Bogić Bogičević, osoba o kojoj ne treba puno pričati. Gospodin Bogičević je neko ko visoko kotira u međunarodnim Ambasadama i osoba je koja je spremna da nam pruži tu konekciju sa međunarodnim zvaničnicima i institucijama u cilju podrške općini Maglaj. Nažalost avion iz Beča nije mogao sletiti u Sarajevu zbog velike magle. Gore je bilo naše auto koje je čekalo, avion je preusmjeren na neku drugu destinaciju, tako da gospodin Juratović nije sletio u

Sarajevo. Sutra ima sastanke u Sarajevu sa određenim zvaničnicima, danas je krenuo dan ranije da bi posjetio općinu Maglaj i po tom dogovoru smo ga trebali večeras vratiti u Sarajevo. Kako avion nije sletio neće doći ni gospodin Bogičević, žao mi je što ovakvo bitne teme neće biti u mogućnosti da se prezentiraju našim sugrađanima. Potrudit ću se da pokušamo ovu posjetu organizovati za neki drugi termin, a i ovo smo dogovarali oko 4 mjeseca obzirom na obaveze imenovanih.

- Zvanično je puštena nova općinska stranica. Malo duže smo čekali iz tehničkih razloga, ali evo u funkciji je i zamolio bih vas sve koji imate određene sugestije, prijedloge da slobodno to prosljedite.
- Što se tiče realizacije infrastrukturnih projekata oni su u toku i to imate prilike i vidjeti. Čekamo rezultate određenih aplikacija za projekte, nažalost ima i onih koji su bili u rukama, ali vjerovatno zbog nedostatka novca ne poništavaju se ali se prolongiraju za iduću godinu. Uglavnom doći će na red.
- Informacija za vas kao vijećnike, vrlo brzo ćemo krenuti u proces certificiranja Općine, dobijanja BRC standarda. Već sam stupio u kontakt sa određenim osobama koje su već krenule u taj proces i dobile certifikat i spremne su da pomognu općini Maglaj. Dobili smo novousvojene kriterije za certificiranje, prosljedio sam određenim našim službenicima koji su dobili zadatak da razmotre kriterije i da krenemo u proces. Koliko će dugo trajati, vidjet ćemo se. Sam certifikat omogućava neke projekte, omogućava grant sredstva na području općine Maglaj da se realizuju, tako da ćemo se potruditi da idemo u taj proces.
- Pri kraju je revizija strategije i finalne stvari su otišle. Zahvalit ću se općinskom nadzornom timu koji je radio na reviziji Strategiji i vrlo brzo će se naći kao takav i na samoj sjednici Općinskog vijeća.
- Kada je u pitanju Prostorni plan, Savjet plana je radio prema predviđenoj dinamici. Postignuti su određeni rezultati, sumirano je što je urađeno po radnim grupama, sumirano i prosljedeno dalje na doradu. Nadam se da ćemo to završiti u predviđenom roku.
- Bliži se kraj godine i na slijedećoj sjednici koja će biti vjerovatno vrlo brzo najdalje za tri sedmice, a vjerovatno i prije, bit će vam ponuđen nacrt Budžeta za 2018. godinu i ono sve što sam nacrt Budžeta vuče za sobom i naravno posljednja sjednica u toku godine će biti i predložen i sam konačni Budžet.

VIJEĆNIČKA PITANJA I INICIJATIVE

Vijećnica Svjetlana Zamboni, vijećnička inicijativa koju ću iznijeti vezano je upravo za novu stranicu Općine Maglaj.

Pokrećem inicijativu da se na zvaničnoj stranici Općine Maglaj napravi prostora za tzv. građanske inicijative i to po modelu općina i gradova u Švedskoj.

'Građanske inicijative', organizovane na ovaj način, omogućile bi maksimalno uključivanja građana u političko odlučivanje na nivou lokalne zajednice.

Naime, radi se o tome da se svaki građanin koji se registruje na stranici općine može pokrenuti inicijativu. Status svake inicijative se prati na zvaničnoj stranici uvidom u broj lajkova ili dislikova.

Nama to kao Općinskom vijeću pokazuje kako osjeća i kako doživljava javnost bilo koje pitanje koje inicira neko od naših sugrađana. Ukoliko određena inicijativa dobije određeni broj glasova u vidu tog lajka (npr. 100), ona obavezuje komisiju nadležnu za ta pitanja da je razmotri, pripremi u smislu prednosti ili nedostataka takve inicijative i onda ju upućuje dalje Općinskom vijeću na razmatranje, naravno uz obradu tog materijala od strane općinskih Službi.

Mislim da je to jedan od dobrih načina kako se javnost može uključiti u političko odlučivanje, ali i načina kako javnost može učestvovati u kreiranju našeg mandata i rada u Općinskom vijeću.

Razgovarala sam sa nekim licima koji su stručnjaci za IT oblast i oni kažu da to apsolutno nije teško izvesti na ovoj novoj stranici koja je dovedena do savršenstva po svojim tehničkim mogućnostima.

Vijećnik Hajrudin Ferić, osvrnut ću se na prethodna pitanja i inicijative.

Dobio sam odgovore na vijećnička pitanja pogotovo sam zadovoljan odgovorom koji sam postavio ne jednoj od prošlih sjednica a vezano za jesni vodovod «Smajlovac» u Jablanici. Načelnik i Služba su odgovorili, odgovor je bio detaljan i širok i konkretan. Mislim da su i razgovori koji su se vodili sa predstavnicima mjesnog vodovoda i urodili plodom. Zadovoljan sam.

S druge strane informacija koju smo čuli od Načelnika kroz brifing, kao i inicijativu koju je pokrenula Predsjedavajuća me je podsjetilo na jednu inicijativu koju sam ja pokrenuo prije 5-6 mjeseci, nemam tačan podatak, a to je da se formira mješovita radna grupa od predstavnika vijeća, čak sam govorio da tu treba da budu i predsjedavajuća, zamjenik predsjedavajuće i predstavnici organa uprave koje Načelnik odredi da utvrde principe uređenja službene web stranice Maglaj. Mislim da je sad pravo vrijeme da pošto ima tamo i službenik za informisanje i Vi Načelnice da odredite koga želite ali da u toj grupi bude i Predsjedavajuća i Zamjenik predsjedavajuće i da se konačno ta web stranica stavi u funkciju sa aspekta informiranja građana o aktivnostima, vijeća, vijećnika, komisija, mjesnih zajednica, javnih preduzeća, javnih ustanova da ljudi imaju dostupne dokumente pogotovo koji su važniji, bitniji, a tiču se Općinskog vijeća od Statuta, Poslovnika, određenih odluka itd. Predlažem da se to uradi u što skorijem roku, da li ćete vi odrediti i koga, ja sam slobodan da predložim.

Zaista je treba uraditi profesionalno i pominjao sam ja to u pisanoj inicijativi i žao mi je što nisam dobio nikakvog odgovora na tu inicijativu, ali nije kasno da uradimo posao kako treba.

Vi ste razmišljali i da ove sjednice Vijeća se dižu na web stranicu da građani imaju itd. tako da to uredimo, makar kad je u pitanju vijeće i sve ono što je iz nadležnosti Vijeća. Dobro bi bilo da u što skorije vrijeme kao radna grupa sjednemo i da im pomognemo, odnosno da uredimo to kako treba.

Vijećničko pitanje:

1. Da li može se i šta u ovom vremenu učiniti od strane nadležne Službe da se koliko-toliko sanira ovaj lokalni put od Palučka do D. Rakovca. Zaista su mostovi u katastrofalnom stanju, ne samo mostovi, nego i put i svakog trena može tamo da se nešto desi.

Svjestan sam i vremenskih prilika i svega ostalog, ali situacija je kako oni tvrde dramatična pa makar nešto da se sanira u tom dijelu.

Inicijativa:

Pokrećem inicijativu da menadžment Doma kulture raspiše Javni poziv za ustupanje na korištenje prostora suterena Sportske dvorane.

Prema odgovoru koji sam dobio na prethodno vijećničko pitanje ugovor sa trenutnim korisnikom onog objekta, ističe nekad krajem godine, mislim da to i po Zakonu o javnim nabavkama je obaveza da se raspiše, a mislim čak da postoje i drugi modaliteti korištenja onog prostora koji bi bili čak u funkciji sticanja nekih dodatnih prihoda samom Domu kulture, ali to je već njihova stvar i njihova kalkulacija.

Vijećnica Selma Avdić, ovo je više sugestija nego inicijativa ili vijećničko pitanje.

Kao što je većina nas izlazila za problematiku pasa lualica, prije mjesec dana jedno jutro dok sam vodila svoje dijete u vrtić, tada su šintori kupili pse. Nakon povratka iz Vrtića dva najveća psa koji su bili oni su ostavili kod Sportske dvorane, ja sam se okrenula i rekla tim ljudima izvinite ali vi morate uhvatiti te pse, jer su tu djeca koja će za sat vremena doći na odmor. Taj čovjek – šintor mi je rekao «znate šta fatajte ga vi, neću ga fatat ja», takvim riječima meni je bilo veoma ružno. Iste sekunde sam poslala u Općinu mail više kao sugestiju da od sada pazimo koga ćemo zaposliti jer su to novci iz Budžeta, dobila sam odgovor od Nisvete da je ona prosljedila taj mail gospođi Starčević. Ovo je više sugestija. Ukoliko mi tražimo da neko radi za dobrobit naše zajednice, mi trebamo naći ljude koji će biti odgovorni, a ne ljude koji će na takav ručan način odgovarati.

Nakon dva dana desio se napad na dvije djevojčice isti ti psi su napali te djevojčice. Molim vas d se problematikom zabavimo malo više svi, radi se o maloljetnoj djeci i radi se o tome da te firme koje mi zapošljavamo budu odgovorne, a ne nekulturne, bezobrazne i da se ponašaju prema građanima na jedan korektan i fin način.

Vijećnica Šefka Hasanić, na tragu priče dopredsjedavajućeg pokrećem inicijativu za live prijenos sjednica Općinskog vijeća na prostoru web stranice Općine Maglaj. Do iduće sjednice da nas izvijestite o mogućnostima, propisima, zahtjevima i ostalom.

Vijećnica Anida Šahman, podnosim inicijativu za vraćanje klupa u ulici Abdulaha Mahmutagića.

Služeći se odredbama Poslovnika o radu OV članom 111 podnijela sam inicijativu o vraćanju klupa koje je prethodno postojale u ulici Abdulaha Mahmutagića. Prilikom proširenja i izgradnje te ulice, klupe su uklonjene i više nikad nisu vraćene. Riječ je o tri klupe koje bi se našle uz pješačku stazu koje su odvojene od kolovoza. Lično smatram da su te klupe potrebne jer se u «Kineskom zidu» i okolnim zgradama osim djece živi veliki broj starijih ljudi koji su mi i sami ukazali na potrebu vraćanja istih. Postojale su a više ih nema.

Vijećnik Armin Hrnjić, obzirom da Klub SDA stalno ponavlja i govori da sve radi u ime građana i za građane općine Maglaj, postavljam pitanje Službi za finansije.

Koliko je građane općine Maglaj a i sam Budžet koštao period «bijelog hljeba» od godine dana koji je koristio bivši načelnik gospodin Mehmed Mustabašić?

Vijećnik Josip Jurišić,

Inicijativa:

Tiče se brifinga Općinskog načelnika. Možda, to je moje osobno mišljenje da taj brifing prebacimo na početak sjednice. Da ga pretvorimo u tzv. aktualac ili aktualni sat, gdje bi Načelnik taj brifing koji radi na kraju iznio na početku, vijećnici postavljaju pitanja, Načelnik odgovori i može ići raditi svoj posao. To je inicijativa od mene.

Predsjedavajuća OV, tako smo radili u početku i prije diskusije smo imali brifing Općinskog načelnika i više ne znam zašto smo ga prebacili na kraj, da bude vezan uz vijećnička pitanja i inicijative.

Općinski načelnik,

- Svi ćete dobiti sve odgovore,
- Predsjedavajuća je govorila u vezi stranice, rekao sam dajte prijedloge, razmotrit ćemo i ubaciti i već je planirana mogućnost da građani pokreću inicijative, postavljaju pitanja itd. to će funkcionisati na tratici.
- Jeste dopredsjedavajući ranije ponudio ovu radnu grupu, sad ćemo je sigurno oformiti i vrlo brzo će biti prezentacija za određene službenike i ovu mješovitu radnu grupu tako da zajedno prođemo kroz to i da vidimo šta još možemo unaprijediti. Pokrenuta je i facebook stranica Općine Maglaj, ide YouTube kanal na kojem će biti sjednice vijeća.
- Što se tiče ostalih pitanja dobit ćete odgovore.

- Gospodin Fermić je pokrenuo problem puta Jablanica-Palučak, zaista je taj put stradao i dugo godina se u njega nije ulagalo. Ono što je nadležna Služba snimila da bi se taj put u potpunosti doveo kvalitetno sa odvodnjom, sa novim asfaltom sa svim onim propustima koji trebaju cijena je negdje oko 190.000 KM, ta sredstva nemamo, ali je taj put apliciran Ministarstvu za raseljena i izbjegla lica, očekujem uskoro dolazak ministra u Maglaj. Tom istom Ministarstvu smo kandidovali i mostove na rijeci Jablanici i postoji jedna inicijativa da zajedno sa Grad Doboje se obnovi jedan most na rijeci Jablanici to je u velikoj vjerovatnoći. Jučer sam dobio telefonski da sigurno mogu računati na to 100%, ali dok to sve ne stavimo na papir, ne raspišemo neka to još uvijek stoji.
- Oko upravnog odbora, to ćemo vidjeti.
- Vijećnica Avdić angažovali smo firmu na uklanjanju ovih pasa, razgovarali smo za iduću godinu da to bude jedan kontinuitet radi se o firmi koja je i do sad to radila na području općine Maglaj, radi na području Tešnja. Vjerujte teško je to kad odaberete firmu da znate ko im je uposlen, ali sigurno ovakve stvari treba prenijeti rukovodstvu firme da se to ne dešava ni vama kao vijećnici ni bilo kojem sugrađaninu.
- Oko prijenosa sjednica već sam spomenuo YouTube kanal.
- Vijećnica Šahman, klupe pa iče vjerovatno u paketu razmišljamo kako riješiti i klupe u ulici Srebreničkih žrtava rata i još u ostalim ulicama u gradu i tu smo s određenim projektima prema stranim institucijama, pa ćemo vidjeti, ako ne radit ćemo onoliko koliko je u našoj mogućnosti.
- Vijećnik Hrnjić dobit ćete informaciju koliko je to koštalo za godinu dana.

Sjednica završena u 16,55 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



PREDSJEDAVAJUĆA OV,

Svjetlana Zamboni